



অবিলম্বে প্রকাশের উদ্দেশ্যে: 1/10/2023

গভর্নর ক্যাথি হোকল

গভর্নর হোকল গো সেমি ঘোষণা করলেন: সেমিকন্ডাক্টর সম্প্রসারণ, ব্যবস্থাপনা, এবং একীকরণ সম্পর্কিত গভর্নরের অফিস

সেন্ট্রাল নিউ ইয়র্কে মাইক্রন এর 100 বিলিয়ন মার্কিন ডলার বিনিয়োগকে ফলপ্রসূ করতে পরিচালনা এবং উদ্যোগ কেন্দ্রীভূত করার জন্য অফিস

নিউ ইয়র্কে সেমিকন্ডাক্টর শিল্প, সাপ্লাই চেন এবং দক্ষ শ্রমিকদের আকৃষ্ট করার জন্য নীতিমালা গঠন এবং উন্নয়ন

স্থানীয় সম্প্রদায়কে সমর্থন করার জন্য কর্মশক্তি উন্নয়ন এবং সম্প্রদায়ের বিনিয়োগের সমন্বয়সাধন করে

গভর্নর ক্যাথি হোকল আজ GO SEMI (গো সেমি)-র কথা ঘোষণা করেছেন : 2023 স্টেট অফ দ্যা স্টেট এর অংশ হিসেবে, সেমিকন্ডাক্টর সম্প্রসারণ, ব্যবস্থাপনা এবং একীকরণের জন্য, সেন্ট্রাল নিউইয়র্কে একটি নতুন মেগাফ্যাবের জন্য মাইক্রনের ঐতিহাসিক \$100 বিলিয়ন বিনিয়োগের তদারকি করতে এবং নিউ ইয়র্কের সেমিকন্ডাক্টর শিল্পের বিকাশের জন্য একটি বৃহত্তর প্রচেষ্টার নেতৃত্ব দিতে গভর্নরের অফিস। এম্পায়ার স্টেট ডেভেলপমেন্টের পরিচালনাধীন, GO SEMI, অনেক স্টেট এজেন্সির বিশেষজ্ঞদের দ্বারা সহায়তা প্রাপ্ত হবে এবং আমাদের ফেডারেল এবং স্থানীয় অংশীদারদের সাথে একযোগে কাজ করবে এবং সেমিকন্ডাক্টর শিল্পে বিনিয়োগ তত্ত্বাবধান করবে এবং শিল্প ও এবং সম্প্রদায়ে এই ধরনের সরকারি/বেসরকারি অংশীদারীত্বে রিটার্ন সর্বাধিক করার জন্য একটি বিস্তৃত, জাতীয় মডেল গঠন ও বাস্তবায়ন করবে।

"নিউ ইয়র্ক স্টেটে মাইক্রনের ঐতিহাসিক বিনিয়োগ হাজার হাজার কর্মসংস্থান তৈরি করবে, আমাদের উত্পাদনী নেতৃত্বকে মজবুত করবে এবং আমাদের স্টেটে স্থানান্তর, বৃদ্ধি এবং উন্নতির সুযোগ খোঁজা ব্যবসায়িক প্রতিষ্ঠানগুলির কাছে একটি নিদর্শন হবে।" **গভর্নর হোকল বলেছেন।** "আমাদের আগাম চিন্তাভাবনা নতুন GO SEMI অফিস সেই যুগান্তকারী গতিতে গড়ে উঠবে যা, নিউ ইয়র্ক স্টেটে আরও বেশি বিনিয়োগ, চাকরি এবং ব্যবসাকে আকৃষ্ট করতে সরকারি ও বেসরকারি খাতের অংশীদারদের একসাথে নিয়ে আসবে।"

বিশ্বের বৃহত্তম মেমরি চিপ ফ্যাব, এবং নিউ ইয়র্কের গ্রীন চিপস প্রোগ্রাম এবং ফেডারেল চিপস এবং বিজ্ঞান আইনের ফলে বৃদ্ধির অভূতপূর্ব সুযোগ গড়ে তুলতে সেন্ট্রাল নিউইয়র্কে মাইক্রনের

অভূতপূর্ব 100 বিলিয়ন মার্কিন ডলার [বিনিয়োগ](#) এর পরে শীঘ্রই GO SEMI তৈরি হয়েছে। মাইক্রন প্রকল্পটি ছিল গভর্নর হোকল, মার্কিন সেনেটের সংখ্যাগরিষ্ঠ নেতা চার্লস শুমার এবং ওনোভাগ কাউন্টি নির্বাহী রায়ান ম্যাকমোহন এর নেতৃত্বে ফেডারেল, স্টেট এবং স্থানীয় [অংশীদারিত্বের](#) একটি ঐতিহাসিক ফলাফল।

মাইক্রন স্টেটব্যাপী প্রায় 50,000 চাকরি সৃষ্টি করবে — গড় বার্ষিক 100,000 মার্কিন ডলারের বেশি বেতনের 9,000 নতুন উচ্চ বেতনের মাইক্রন চাকরি এবং 40,000-র বেশি সম্প্রদায়ের চাকরি — এবং হাজার হাজার নিয়ন্ত্রিত বেতনের নির্মাণকাজের চাকরি তৈরি করবে। কাজ সম্পূর্ণ হলে, কমপ্লেক্সটিতে থাকবে দেশের সর্ববৃহৎ পরিচ্ছন্ন কক্ষের স্থান যা আনুমানিক 2.4 মিলিয়ন বর্গফুটের হবে, যা প্রায় 40টি ফুটবল মাঠের সমান।

নিউ ইয়র্ক স্টেটের দেশের শীর্ষস্থানীয় সবুজ CHIPS অ্যাক্টের (Green CHIPS Act) সাথে সংগতি রেখে মাইক্রন 100 শতাংশ নবায়নযোগ্য উৎস থেকে বিদ্যুৎ গ্রহণ করবে এবং সুদূরপ্রসারী টেকসই হওয়ার প্রতিশ্রুতি করবে। এছাড়াও মাইক্রন একটি অর্ধবিলিয়ন মার্কিন ডলারের সম্প্রদায়ে বিনিয়োগ ফ্রেমওয়ার্ক বাস্তবায়ন করবে যাতে নিশ্চিত করা যায় যে প্রকল্পটি সেন্ট্রাল নিউ ইয়র্কের মানুষ ও সম্প্রদায়সমূহের জন্য লাভজনক হয়।

GO SEMI মাইক্রন প্রকল্পটি বাস্তবায়নের প্রচেষ্টাকে নেতৃত্ব দেবে এবং কেন্দ্রীভূত করবে; সেমিকন্ডাক্টর শিল্প এবং এর সরবরাহ শৃঙ্খলকে আকৃষ্ট করার জন্য নীতিগুলি গঠন এবং ুম্নত করবে; স্থানীয়, স্টেট, ফেডারেল, এবং ব্যক্তিগত অংশীদারদের মধ্যে কর্মশক্তি উন্নয়ন এবং সম্প্রদায়ের বিনিয়োগের সমন্বয় সাধন করবে; প্রয়োজনীয় উচ্চ দক্ষতা সম্পন্ন কর্মী বাহিনী তৈরি, আকৃষ্ট এবং ধরে রাখার প্রচেষ্টার নেতৃত্ব দেবে; এবং বিচক্ষণ উন্নয়নের নীতির উপর দৃষ্টি নিবদ্ধ করে সমন্বিত উন্নয়নে সহায়তা করবে।

Micron এর ঐতিহাসিক বিনিয়োগ নিউ ইয়র্কের বিদ্যমান বলিষ্ঠ সেমিকন্ডাক্টর শিল্পখাতকে আরো বর্ধিত করে, যার সাথে GO SEMI ঘনিষ্ঠ ভাবে কাজ করবে। নিউ ইয়র্কে বর্তমানে 76টি সেমিকন্ডাক্টর কোম্পানি রয়েছে যারা 34,000 নিউ ইয়র্কবাসীকে চাকরি প্রদান করেছে, যার মধ্যে রয়েছে গ্লোবালফাউন্ড্রিজ (GlobalFoundries), উলফস্পিড (WolfSpeed), অনসেমি (onsemi), এবং ইন্টারন্যাশনাল বিজনেস মেশিনস কর্পোরেশন (International Business Machines Corporation, IBM)। এছাড়াও নিউ ইয়র্কে আছে বিশ্বে সুপরিচিত অ্যালবানি ন্যানোটেক কমপ্লেক্স (Albany Nanotech Complex), যা একটি বহুবিলিয়ন মার্কিন ডলারের সরকারি-বেসরকারি অংশীদারিত্ব, যেখানে আছে সর্বাধিক উন্নত, সরকারি মালিকানাধীন, 300-মিলিমিটার সেমিকন্ডাক্টরের গবেষণা ও বিকাশ ফ্যাসিলিটি এবং যা প্রধান প্রধান ইউনিভার্সিটি ও শীর্ষ শিল্প নেতাদের একত্রে এনে অত্যাধুনিক চিপ বিকাশ চালিত করে।

এম্পায়ার স্টেট ডেভেলপমেন্টের প্রেসিডেন্ট, সিইও এবং কমিশনার হোপ নাইট বলেন, "ঐতিহাসিক এবং রূপান্তরমূলক মাইক্রোন চুক্তি, নিউইয়র্ক স্টেটের জনগণের জন্য বাস্তব সুযোগ সুবিধা নিয়ে আসতে প্রতিটি স্তরে সরকারি বেসরকারি অংশীদারিত্বের শক্তি, প্রদর্শন করে। GO-SEMI স্টেটের বিভিন্ন এজেন্সির বিশেষজ্ঞদের এমন পরিকল্পনা এবং নীতিগুলি বাস্তবায়নের জন্য সহযোগিতামূলকভাবে কাজ করার অনুমতি দেবে যা কর্মশক্তি উন্নয়ন, স্মার্ট গ্রোথ,

সম্প্রদায়ের বিনিয়োগ, স্থায়িত্ব এবং অন্যান্য গুরুত্বপূর্ণ উপাদানগুলির মতো নিউ ইয়র্ক স্টেটের সাফল্যের জন্য গুরুত্বপূর্ণ ক্ষেত্রের পাশাপাশি সেমিকন্ডাক্টর শিল্পে ন্যায়সঙ্গত এবং দীর্ঘস্থায়ী বৃদ্ধির জন্য একটি মডেল সেট করবে যা দেশের বাকি অংশ অনুসরণ করবে।"

এম্পায়ার স্টেট ডেভেলপমেন্ট ছাড়াও, অংশগ্রহণকারী এজেন্সি এবং কর্তৃপক্ষের মধ্যে রয়েছে শ্রম দপ্তর (Department of Labor), নিউ ইয়র্ক স্টেট শক্তি গবেষণা এবং উন্নয়ন কর্তৃপক্ষ (New York State Energy Research and Development Authority), নিউ ইয়র্ক পাওয়ার অথরিটি (New York Power Authority), পরিবহন বিভাগ (Department of Transportation), ডিপার্টমেন্ট অফ স্টেট (Department of State), পরিবেশ সংরক্ষণ দপ্তর (Department of Environmental Conservation), হোমস এবং কমিউনিটি রিনিউয়াল (Homes and Community Renewal), ডিপার্টমেন্ট অফ পাবলিক সার্ভিস (Department of Public Service) এবং স্টেট ইউনিভার্সিটি অফ নিউ ইয়র্ক (State University of New York) এবং NY CREATES।

###

আরো সংবাদ পাওয়া যাবে এখানে: www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418